

【忍左好耐】【包包】某女歌星 和我的一霎光輝

作者: 孤獨妹

Powered by [紙言](#)

【一】

【一】

曾經我諗過, 我呢世人會溝到咩女呢..?可愛既.?溫柔抑或這些機會.....?
我叫呀風, 一個無撚用既90後, 屋企老豆老母分居
係中學入面不但搵唔到女朋友, 係連朋友都無.
因為由中二開始, 我就開始俾人排斥. 至於排斥成點咁我唔多講.
仲之以上既野令我慢慢走向網上世界去尋找另一個自己, 去搵俾人愛既感覺

當時既我可以講做係狗公,
咩野著名狗公搵女網hk2l_e, 一_館.....全部都唔難搵到我既相同留言
果時我見到個樣好少少既就狗衝過去.
希望佢地會肯餵我食"狗糧".
當時有時網上愛情既野, 一切都係講數字遊戲
比如話你cm10條女, 一定會有一個應你,
至於有無下場, 有無甜野就自己慢慢估

話說有一次我係hk2l_e個chatrm搵食,
講講先, 果度既chatrm係icon 有無相都得.
什至佢係仔定女都可以亂吹
咁我就如常放左學.
開首歌做backgroup music就用chatrm溝女等運到.
果時chatrm都係得50人到,,男有三十幾個女得十幾個到
仲未計D掛chatrm左既人

好多時我都係要主動打HI, D女女先會應番我,
但好奇怪, 果一日居然有個粉紅色名既人hi 我
我睇睇佢個名,,, ~人生如歌~
我再入去佢個profile度睇
icon無相, 得一個xanga既website,
入左去佢個xanga 有加密左.
果時心諗, 屌佢係咪男人黎玩尻我.?
因為果時個chatrm全部男女都係mk名,
呢個名咁正常又無圖無真相咁,
我絕對有理由覺得佢玩我.,
咁我就繼續同佢傾下, 睇下佢會唔會俾相我同chook下佢係咪玩我.

oo0紙哎瘋0oo(以前mk名, 唔好屌):我可以點叫你呀?

~人生如歌~: 包包
oo0紙哎瘋0oo: 你點解無相既,?

~人生如歌~:因為我都唔多影相,
oo0紙哎瘋0oo:可唔可以俾妳xanga pw 我,:)

oo0紙哎瘋0oo:係咪忙緊呀.?

~人生如歌~:係呀, 不如俾你sms我, 我地之後再講呀.

俾左之後, 我都以為佢唔會再搵我
但點知係我有一日上上下下堂既時候
部電話係個櫃筒度震
我睇一睇, 係一個我無入到電話既人sms我.

+852 6XXX XXX8 (果個女星呢家仲係呢個number)
我係包包, 之前係hk2l_e既, 記得我嗎,?

我就之後慢慢同佢傾,
但由果一個msg開始
原來我不但多左一個朋友
佢仲係我以後都忘記唔到既人

原來慢慢發現, 佢係佢學校都唔係一個好受歡迎既人,
因為佢比較中意表現自己, 所以係學校既女同學都好憎佢,
而更加因為佢既環境令佢少接觸異性
所以更加無朋友, 莫講話有愛情
而佢家屋企比較苛刻,, 好少比佢去街
因為佢地屋企好愛好音樂, 所以由細就培養佢學音樂彈琴.
雖然佢彈琴都ok叻
但佢反而鍾意唱歌

慢慢我地由講D好普通野
講到大家既心事,

學校既生活
屋企受既壓迫咁.
其實我當時一直想話打俾佢.
不過佢屋企人唔俾佢同男仔講電話

直到同佢msg左3, 4個月
佢突然問我,
係咪仲想知佢xanga pw 入去睇佢既真實一面.....

(續)

【二.一】

【二.一】

係SMS入面.
包包突然問我.
係咪仲想知佢xanga pw 入去睇佢既真實一面.....
其實我果下有D驚,
第一我估唔到佢仲記得我3 4個月前既要求
二黎我同佢傾咁諗都無見過樣
如果一個唔覺意係豬扒"包"咪死得

但係最後, 口裡說不, 身體往往最誠實
我話想睇LA, 佢俾左個pw我
gxxxxx0XXXXXX1
我果時上緊堂, 所以上唔到,
但由我落堂之後即刻衝去開電腦睇

login左然後入pw去睇.
入面好多佢打既心事, 文章
而背景音樂好特別
我仲好記得
而家諗番應該係佢彈既歌
重點係相片果度,
佢個樣好D baby fat,
但係始終個樣都唔係差
(呢家比果時好樣左好多, 但佢無改過容, 或者係化妝掛)
但係同我講.
係咪有心動既感覺?
又唔係, 只係有一種好想繼續了解佢既感覺.

再落去睇其他相
果下就真係呆左,
原來佢同緊另外一個男仔B先生一齊.
最重要係有好幾張佢同B先生一齊既親密照
可能呢家親密照都好興,
但果時比較少會咁放

果時我好記得
我第一個反應除左呆左

就係好嬲

因為我嬲佢點解要唔同我講.?

或者當時既我比較一廂情願

但我硬係好種好酸既感覺

之後係我好嬲既時候

電話又震左一震.

係佢搵我.

佢話我睇左佢XANGA未

包包:你睇左未

我:睇左, 咁又點

包包:仲咩咁嬲.?

我:無呀, 只係你做過d咩最清楚la

包包:我做過d咩, 就算係我比得你睇都信任你.(如果呢家都信任我就好了)

我:得晒la, 妳咪繼續搵你條囡lo, 仲咩要咁向左走向右走得閒溝我.,?我好好玩咩?

..

..

..

自從呢句之後佢就無再覆過我.

直到2個月後

好耐無震過既手機又再震,

無錯,,

竟然係佢搵反我....

(續)

【二.二】

【二.二】

法律聲明:故事純屬虛構, 如有雷同, 純屬巧合
一切判斷與本人無關

好耐無震過既手機又再震,
無錯,,
竟然係佢搵反我....
講真, 其實我都唔太記得佢了,
始終果時我又有搵其他女傾

包包:+852 6XXX XXX8
我想搵你傾下電話, 如果你唔介意既話.

我睇左一睇佢MSG
我定左一定.
我係度諗
點解佢又要搵反我呢?
又玩我.?

於是我打左過去,
我:喂, 包包, .?

包包:對唔住之前既事無同你講,
(呢次係我第一次聽佢把聲,)

我: 算la, 都過左去la, 你咩事好似唔係好舒服.?係咪感冒呀.?

包包: 嗯,,, 嗯可能係掛...琴日俾雨淋親,

我: 仲咩唔擔姐.?

包包: 因為, 算la, 其實聽到你把聲我好開心., um...好開心你仲會肯打比我,
我以為你一直會繼續唔理我.

我: 唔會, 只係可能大家火姐眼姐果時.

包包: 我要練歌先, 之後有比賽, sms再講la

收左線之後,
我仲好懷疑佢無lala感冒同啾泣既聲
我上多次佢XANGA想睇下佢發生過咩事.
一邊LOGIN 既時候一邊好緊張
因為我仲未搞清楚我自己應該點樣面對佢.

又去番佢XANGA既面板,
一切依舊, 只係文字內容已經唔同
原來佢果時應該同左b先生散左
因為見到佢打左一d似係分手快樂既說話

我之後SMS番包包.
我:點解你同佢散左既.?

包包: 因為大家愈黎愈少聯絡, 陌生了, 而且佢唔明白我.

我: 咁我就明白你.?

包包: 至少你令我感覺到有人係我隔離, 有人關心有人知道我存在

我: 如果我話我以後想繼續係你身邊., 我知道因為你屋企,
無咩人關心你, 而我地又因為咁未出過街見過, 但我希望之後可以超越朋友既關心你.,
(
我認我一開始咁講唔係真正鍾意佢, 只係有好感,, 佢之後同我講佢對我都係,
只係當我係當時既水泡)

..

..

..

包包: 可以, 我地可以試下, 但係比我解決一d問題先

我: 咩野問題.?

包包: 一d會令你唔開心, 不舒服既問題

【三.一】

【三.一】

一些會令我唔開心, 不舒服既問題?
咁姐係算點呢?
如果話我係成日係網上做狗公搵主人
呢個主人既回覆我都係第一次見,,

我等左佢幾日
我無搵佢.
因為我唔想迫佢俾壓力佢
始終感情既野.
唔可以強求

電話又再震過,
原來係佢搵我.
原來佢之前既問題係佢有2個目標當時
一個係我,
一個係另一個係A先生

A先生係佢係一個大型場合識反黎,
其實包包對我同佢係度揀緊,
但最後佢揀左我.
所以呢幾日時間佢係同A先生講清楚朋友關係..
而且原來佢岩岩因為一次事件
俾人發掘,左去做真正既SINGER

我當時當然好開心
因為佢肯為我而同A先生講清楚(當時信左佢呢樣)
第二, 佢一直都鍾意表現自己, 出SHOW玩歌唱比賽
呢家係一個好好既機會可以ACHIEVE 到佢既希望

不過當時佢果份約唔係正式約
因為佢未真正到18
所以果一日之後, 我同佢都有出過好幾次街
但我同佢既關係由頭到尾都好虛無.,
或然率係自己無試過同明人拍拖
而且一方面佢間公司又要佢同A先生行街拎知名
但又唔想佢真正男朋友(我)出現比人知
先有時叫包包同A先生行街

但更加因為係咁, 我覺得更加無安全感.....
佢雖然有時都會打電話俾我.,
但我就絕對唔可以打電話俾佢
佢話佢屋企人加上讀書同唱歌好忙好忙,,,,

其實我都體諒佢, 但係有時真係好寂寞
有人講過
孤單係妳心入面無人而得你自己一個
寂寞係有人係妳心入面但係只係得自己一個.

我地大約2個月出一次街到,
呢D日子都維持左好耐..
直到佢CE 完左入左一間大專(我會咁定義佢)
雖然一直都一齊
但我地關係由淡慢慢開始改變

(續)

【三.二】

【三.二】

其實佢CE就入大專
反而我同佢同一界
但我CE就上AL.
但因為同左佢一齊之後,
好多時留意佢既野,
每次都好期望佢既電話打黎,
或者一個既SMS

因為包包岩岩CE完左, 多左時間接JOB
所以佢出SHOW好多時好多野要幫手
但佢果時根本真係唔紅
CD都未出
所以佢出SHOW好多時都仲要自己拎3, 搭MTR, 巴士
有時化妝唔係度佢要自己化,,,
所以,我好多時會同A先生幫佢執頭執尾.
好次有次要出一個公屋商場做SHOW.
可以係無後台.
要係TOILET 換, (無甜)
佢又得一個人
我唯有幫佢拎晒所有野.

可能你話佢屋企人呢?
我想講佢屋企話就話支持, 開放,
但內心差到一個點.
功利不在講.
仲有好多衰野(之後講)

什至有次佢做野做到好夜.
佢又嗌晒肚餓
而佢屋企人有次又唔係HK
我煮埋野食俾佢一腳踢(無下場)
當然LA, 個後果就係.
我果2年AL考得好差, 根本無心機

但或者有時對多左.

大家傾計,
拖手既機會多左
大家既感情慢慢多左..

但係可以咁講LA, 可能係佢性格問題
好似去到邊都唔太受歡迎
佢身邊最FD既得A先生,同一D女仔(無咩留意佢地)
係佢間學校入面.
好多野都好放寬對佢,
可能佢果時比較紅左DD,
但佢果時有次同我講
佢唔想再讀,,
第一故然係因為多左JOB
二黎佢果度D人又對佢好似唔係太好.
令到包包好無癮
加上佢同我講就18
呢家又要出CD
忙到出席率都到唔到
所以不如QUIT左去..
但我反而更加有所保留.....

【三.三】

【三.三】

包包同我講佢唔想再讀，
第一故然係因為多左JOB，
好PAID左，
二黎佢果度D人又對佢好似唔係太好，
令到包包好無癮。
加上佢同我講就18，
呢家就要出CD，
忙到出席率都到唔到，
所以不如QUIT左去..
但我反而更加有所保留。。。。

因為我知道，
當佢真正紅左，
我又會俾佢冷落
所以我既心情一方面都好MIX
又想佢好唔好咁辛苦
另一方面
我又唔想我地既關係又從此生疏落去,,,,

直到有一次，
佢又做完SHOW，
我陪佢幫佢拎下野，
當時佢行開左換緊3係後台。
但係佢電話有SMS叫佢，
我同佢講話有人搵你LA，
佢話叫我幫佢睇，
原來係A先生搵佢，
內容大致係講A先生會應包包屋企人約去食飯(6月唔記得左幾號)
而且重點係A先生叫包包一個比較親密既詞語
其實講真,,,
我一直都唔係好鍾意A先生,,
因為始終佢地都好CLOSE,
但因為呢D係佢私事,
所以我都唔方便講,,

所以今次當我睇左佢段MSG真係有D嬲。。。。

因為我都未見過佢屋企人.
而且佢同包包只係朋友.
點解好似我做左偏室.?

但我無即時質問佢.
因為我唔想同佢嘈,
始終我係不知不覺呢段時間入面,
真係愛上左佢.
而且我地咁耐真係好少嘈.
可能係因為根本好少講野同拍拖,,,
但始終我無同佢嘈,,,,

我扮無睇過佢MSG,
之後佢出番黎問我個MSG講咩,
我仲話唔知.
可能係公司果邊.
仲笑一笑同佢講,

我一直等
等到A先生應約果一日....
我係包包屋企人同A先生約既地方樓下等A先生,
包包唔知我係下面等緊..
果時落雨
我一直擔住姐等.
好想快D搞清楚佢同A先生關係....
直到一個人拍一拍我膊頭

(續)

【四.一】

係果一晚不停落雨
我一直擔住姐等.
其實個心情好COMPLICATED
一黎好想快D搞清楚佢同A先生關係....
二黎其實又怕真真正正面對對方
或者
當時既我同A先生比落去,
始終差左一大段
講到尾始終都係怕輸...
直到一個人拍一拍我膊頭

我另轉頭去睇..原來係包包叫我
我望住佢對眼,
我好記得果時我好驚....
驚到隻手係震.
我一方面怕件事爆左大家都會散.
但另一方面我唔想俾佢知我就係驚呢樣野.....

佢拉左我入一個巷仔度
我擔住姐, 佢無

包包:你點解係度,?

我: . . .其實呢點應該問你先岩,,
咩你又等緊人咩?定係坐係上面既人等緊人,?(我果時做到既,,,就用髒同火去掩飾住自己既傷同驚慌)

包包.: 唔通你又睇我手機就好好.?(其實佢同我一樣都係扮唔知)

我: 我識左你咁耐., 同你一齊左咁耐咩都就你..你無助手無公司車咩撚都無,
我都係咁幫你, 你肚餓我煮野俾你, 你悶我陪你, 你有時受埋D氣又發落我度,
你D公主性格人人頂到,.?怪唔知你同人地相處到咁, 度度比人排斥LA...
(我呢家都覺得自己好過火)

包包: 咁你又唔忍埋去.!!...

之後佢行近我度,

包包: 就當...就當你...你忍埋呢次好唔好,?

我當時有心軟過...當時我睇到包包後面就係A先生,, 我唔知點解又無名火起

我: 你既心意同你後面果個人講LA, 我地呢D唔配!.

之後我就望住A先生而走..
因為我知道我望多包包一眼..
我會心軟.....

果一日之後佢無再搵過我,,,
我亦唔敢再搵佢,
一黎自己講一D咁過火說話
二黎, 我自己落唔到台
但幾個月後,,佢個名又出現係我面前.
原來佢出左第一隻CD

續

【四.二】

【四.二】

自從之前既事,,
我同包包已經再無聯絡
唔同上一次
上一次我因為佢XANGA同佢冷戰既時候
我會繼續溝女,;
但今次我同佢冷戰,
我無四處搵女.
反面我好不停提自己要單身,

單身?
有人講過
兩個人走埋一齊
一定要有緣份
更重要既係要了解對方
亦要令對方有興趣了解你

或者包包.
包包係一個我用千分思念去了解既人.
可惜既係,
包包或者從來對我都係一個可有可無既人,
人遇溺係需要水泡.
會用盡一切力量擁抱佢
但獲救既時候
只會擁抱救扶佢既救生員
真正既英雄係救生員
邊個仲會想去了解水泡感受??

·
·
係一晚我就想訓既時候
"包包全新概念大碟, "英文字"已經出左LA, 當中包括幾首由英文字親自填寫既歌....."
一把我好熟悉既聲音重新佔據係我個腦度.
佔據係我個心度
我知道
我後悔了

英文字.?我記得有次係公園問過佢第時既藝名
(其實我地基本上拍拖都好多時係一個私人屋苑公園度傾計)

我: 其實你有無諗過改藝名., 呢家個名好就好., 但係好普通呀.....

包包: 我有諗過,其實雖然呢家我都改左名., 但都有好多係公司主意, 但係我想搵一個吸引到人,
係我自己決定既名.

我: 其實你同我講過你想你既歌會感染到人, 而且你又比較鍾意表現自己,
不如就改D有你既原素既名LA, 人人都認得你LA..

包包: 我只要你以後記得我就好了..

.
.
.

訓係床到, 身邊手機從來會跟身
什至訓覺時候都陪伴在旁,
果一晚我訓唔到..
不停諗番之前同佢一齊既日子
或許,
手機在身邊
係一份安全感作祟
又或者
等待一些自己很想及發生的事.

日光照射令我明白到又係一天既來到..
一開眼
循例地睇下手機紀錄

一個文字信息紀錄.....

【四.三】

【四.三】

一早清晨

我望住手機果幾個文字.

我個心好怯.

我好驚打開佢黎睇.

我驚佢會正式同我捌捌.

但係佢搵番我.

咩唔係我一直以黎想做既事.??

聯絡人:包包

如果方便, 希望你1:00am係舊地方見.

又係差唔多呢個時間

又係同一樣既地方

只係去既心情好唔同.....

我照樣夜晚一點去到果度.

佢果時未到到.

周圍都無晒人早.

我坐係張長登度.

可能以前有佢

唔會注意到其他野,

但因為呢家得自己一個.

四周既環境令我諗到好多野,

望下一直在旁既一棵榕樹

再望番地下自己同棵樹投射落黎既影子

一切依舊只係欠缺了多一個影子

慢慢有腳步聲行近

我望番上面.

係一個好似曾相識既樣.

A先生...

我果時好想走,

第一我唔想見到呢個人,

第二我都唔知點樣去面對佢.

我: 你點解會黎,, 你黎咁我走.

(A先生坐落黎我隔離)

A: 我唔用佢電話搵你你會應約.?如果你走你會再次後悔.

(佢點知我一直後悔...我好怕俾人睇穿感覺)

我:咩事咁.

A:其實我知道你想知D咩野,,我可以同你講我係一直都鍾意包包,我亦都好憎你,我唔明點解你咁既款,可以令到包包仲鍾意你,但呢家我都唔係鍾意佢LA

我:你係話佢仲鍾意我,?算數LA,果次既事好明顯LA

A:我唔想再講,果次係一次誤會,

A:因為佢家屋人從來都唔太中意佢拍拖,而當時傳媒認左我係佢條仔,所以包包屋企人先想見我.

我:如果包包係鍾意我,佢點解唔開口同佢屋企人解釋我地既關係.?

A:因為佢地雖然話就話開放,但包包唔想俾佢地覺得佢係一個玩弄感情既人,佢想...

我:你呢家講咩都得LA,我又唔...

A:你果日同佢嘈完之後,佢好耐都唔番番入去,佢仲搞到自己俾兩答親,番到上去上面已經一五一十講晒!!!,而佢同我而家亦都真係朋友,呢段時間佢作左幾隻歌,我知道佢係有D為你而填,點解你仲唔醒.?因為自己既所謂自尊,?

A :我今日黎係因為我唔想佢成日同我一齊做FD都有隔閡,因為你呀!!佢無開心過,但仲要係做PROMOTE既時候笑住對人.,仲要係傳媒面前扮,你仲想佢點呀.?
(佢用左好耐屌我,我記唔晒佢講過咩,大致上係咁)
(我果下完全分唔清佢所講既係真定假,但我知道如果係真,我就一直怪錯左佢,而佢亦都無需要玩我仲.所以我決定相信左佢..)

我:點解你咁好同我講呢D,佢叫你講既,?

A:如果妳有問題點解唔自己去問佢,?希望你會醒

(續)

【四.四】

【四.四】

果一晚之後, 我開始慢慢聽番佢隻碟
可以咁講, 雖然我同左佢一齊咁耐.
但我都只係係背後聽佢既歌.
今次用MP3黎聽.
感覺好特別
雖然聲音黎得好近
但我同佢既感覺黎得最遠

令我意外既係係其中一隻英文歌.
我估唔到佢唱英文歌都唱得咁好.
其實雖然我英文唔係好叻
要查下字典先明白
但我好想好想知道
A先生講既係咪真
呢首歌到底係咪佢為我而作?

我鼓起勇氣拎起電話
打俾一個我好想又怕打俾既人.
電話接通左., 但把聲係一個男人既

我: 喂, 你係邊個.

X: 我知你係邊個., 呢段時間仲搞到佢唔夠煩唔夠衰.?

我.: 你係邊個請問.?

X: 我係邊個唔重要. 最重要係你唔好再煩佢.

我: 之前可能係有D咩誤會, 但呢家我明白佢果時既心情.
你比我一次同佢解釋既機會LA

X: 佢都唔想見到你啦仆街, 你以為你咁對佢佢仲會采你, ?人地呢家紅左你就搵番人,
你攀得起佢咩, 傻仔, 你根本唔應該同到佢一齊, 你邊方面好呀睇過,
我做你都唔敢行出街LA廢青.

我: 佢仲喜歡我, 你知道的

X: 係又點, 佢呢家咁細個, 好易就鍾意其他人GA LA, 況且好過你既大撻把, 駛同你一齊,?

我: 對唔住, 原諒...

X原諒你,?你係邊個要我原諒你.?算撻數把LA, 當時妳放低左佢而走, 今日就唔好同我講後悔..

啞...啞...啞

或者可能就係佢呢幾句, 令到我更加想搵番包包,
雖然我唔知頭先同我講緊野既人係邊個,
但我同佢傾完之後
我更加肯定包包仲係未放低我

問題係我點先搵番到包包.?
當時既我因為好耐都只係同包包一齊
又幫佢手之前
其實我都無咩朋友幫到我, 或者可以俾我意見
而就算有,
我亦唔會同佢地講我同包包既事,
所以我果時知道
得佢係唯一係我同包包既最後連繫
要搵番包包就要求佢

(續)

【四.五】

【四點五】

要搵果個唯一聯繫我同包包既人
仲要去求佢。
我千個不願萬個唔想。
因為我呢家搵番佢就等於我向佢認低威，
我可能係一個自尊心比較強既人
我由細個開始
我都唔會求人，
有咩事都係自己一個頂
有咩都係自己一個受晒。
但包包，
我可以講
包包係唯一真真正正會令我放低一切
佔據我一切既人。
為左再一次可以見到佢，
我願意求佢。

所以係之後果一日
我係電話度約左A先生
係佢果間學校CANTEEN度搵佢。
因為我覺得如果真係求人，
面對面會好D
起碼可以睇到佢既面部表情
就算佢拒絕我都唔會咁直白
我約佢一點鐘晏就等。

我坐係果度間CANTEEN
周圍好多學生妹..只係佢地無著校服著便服
換轉係以前既我一定狗衝，
會狗聊佢地，
但依家，
我只想聽住包包既英文歌
安安靜靜等A先生黎，
或者唔知幾時開始我就不停LOOP佢首歌。
每一次聽每一次都會心痛一下，
或者對自己殘忍
黎提醒自己既後悔同錯

估唔到同左包包一齊，
唔多唔少對其他女人少左好多興趣
或者係我眼中
所有其他女仔拍係包包隔離

都會變得平凡

【四.六】

【四.六】

等到2點30 PM, A先生係遠處終於出現
A先生同佢既身邊果位女性朋友講左D野.
之後就放低佢係一邊, 自己走過黎
有時我都好羨慕佢,
起碼佢有正常既社交,
而我既生活
唔好講AL溫都無溫過,
朋友都唔多個.

A先生坐在係我前面.
我同佢DEAD左幾秒,
因為果下我真係唔知應該同佢講咩好.
或者我唔敢同佢講第一句野.

A先生:搵我咩事, 近排就MID - TERM

我: 係咁既. 我想搵你做D事.

A先生:你想求我?
(佢望一望後面)

我: 求唔求都好, 我想你幫我搵佢, 我想同佢解釋一下.

A先生: 點解我要幫你.

我: 你當你做好心幫下我...我真係無辦法先黎求你.你上次搵過我, 我真係有聽,
你同我講都係想佢開心姐, 佢呢家仲係咁樣你都唔會開心LA
(A先生再望一望後面)

A先生: 就算係咁, 如果我唔幫你咁又點.?加上我唔係唔幫, 我都唔知點幫

我: 咁我唯有同你後面果位講我同你同包包之間既事,
(我起身行左一步, 之後佢拉住我.)

A先生: 我幫你用我名義約佢, 時間地點之後再同你講, 我趕時間,

隔左一陣, 手機震左一震

聯絡人: A先生

後日2:00 AM, 包包屋企樓下公園等., 佢果日比較忙練完歌., 自己睇路

睇完之後

我決定今日同聽日準備一D我從未做既事,
可以係後日俾佢知, 明白我既心意., 明白我既悔疚
雖然佢可能唔會原諒我

又或者..

太多或者了!

我已經衰左一次

唔可以再令自己後悔令佢失望

我唔可以再令自己後悔.....

(續)

【四.七】

【四.七】

如是者係依2日我準備左一D野.
希望佢會知道我既心意.
依兩日過得好慢好慢.,
但為左準備見佢,
我要做得最好去見佢,

去到果一日, 我記得果日好凍,雖然係十一月中尾
但感覺仲凍過12月1月
或者自己個心好驚,
風吹過答既時候我仲覺得係寒到入骨既凍.

我一早拎左我帶左既野
12:30去到佢屋苑做登記入去.
雖然果時未到聖誕
但已經裝飾到成個大堂有晒聖誕氣氛
有XMAS TREE, 又有閃光燈.....
我望一望個管理員
我記得我應該見過佢.
個管理員見我點點頭之後開始講野

管理員: 喂, 有一排無見你LA WO, 搞咩呀

我: 係呀, 前幾排我都有黎過, 不過你唔係度

管理員: 係呀, 我唔當更MA, 我都要抖, 唔通好似你個神秘FD咩, 哈
(係佢眼中我發現一絲既奇怪眼神同令我想同佢繼續傾落去既原因)
我開始挨近佢個玻璃窗

我: 點解你咁講, ?

管理員: 我都係度做左夜更好耐, 人少自然認得佢地D樣, 妳個朋友呀MA,
好後生果個歌手呀MA, 差唔多次次兩點幾到我先見佢番黎,
佢有時仲拎住D野返黎TIM, 佢應該做完野返黎掛

我: 除左咁仲有無其他?

管理員: 人少少我先同你吹下水,
一陣老闆差唔多打黎我要同佢傾野,其實你個FD無咩特別啦,真係WO唔係點你,
點你有寶咩.

管理員: 不過呢,係啦,我有時巡既時候,我見到佢坐係個公園仔度,
有棵樹果個公園既呢,依家o岩o岩多左個琴之MA,多如到呢.

我: 佢去果度仲咩?

管理員: 我見到既呢就佢去左好幾次GA 啦,有時又大風WO,吹親ga ma,
佢又自己一個發呆咁係度

我: 幾時既事呀.?

(心入面好驚訝但又好難形容果種感覺,只係果下聽到之後
好似再次我證明我估計佢對我既感覺係真真實實)

管理員: 屌點記得.?大約呢幾排既事掛,呢家諗番應該係見唔到你條友開始la,
你做左D對唔住人既事呀.?講黎聽下啦,

我: 唔該晒,我知道我要做D咩 ga 啦,唔該晒你

我回頭過去
然後向佢一個多如,
但又充滿住我同佢既回憶既公園過去.

(續)

【五.一】

【五.一】

再次再次重臨呢一個公園仔,
長椅旁邊既花轉晒做聖誕花;
而背後既一棵榕樹
已經因為聖誕而佈置得好有冬日感覺

隨住樹枝圍繞住一條著晒彩色閃光球燈既電線
樹杪上又蓋上一層白白人造雪,
而係榕樹旁邊有一個新既三角琴
個琴打開左個蓋, 應該有人用完唔記得闔番好,

而係每一盞唔同色既閃光燈同公園街燈互相輝影著
令到成日黑夜變得淒美.
好奇怪上次黎都無呢D野,
大樹依舊
感受卻完全唔同
或者, 呢一年既"提早"聖誕會係我其中一個唔會忘記到既日子

我睇睇手上既錶
一點了, 我開始準備我要做既野.
可能呢邊呢個公園比較少人行到,
主要出入都唔會點過到黎
所以就算係怕"於"都唔會咁驚.

可能一邊準備, 一邊緊張
一邊感覺時間過得好慢,

"kock koCk kOCK KOCK "
係夜晚入面好安靜
就算自己既透氣聲都會聽度.
突然間由遠處傳黎既腳步聲開始響過,
我知道我一直等緊既人
好快會出現

由呢度睇住果個身影行過黎之後

突然之間又兜左路。
我果時好驚
佢係咪見到我所以唔過黎,?
佢唔想見到我.,??

果個身影係另一條路一直行,
我估計佢應該係想去個琴度。
由於佢愈黎愈近我既視線
我慢慢就知道果一個熟悉既身影
就係我拖過擁抱過
一直掛住既包包

包包行到琴既前面,
佢放低佢手袋係琴椅度
然後行去三角琴前將個琴蓋闔番好。
包包望住個琴停左一停
然後又番番去琴椅度。
佢開始開琴彈歌。
雖然我肯定佢既彈得好細聲
但我知道佢彈既係一段英文歌既開頭
當去到CHROUS 時候

XX XXXX XXXXXXXXX
XXXX XX..XX..XX

只見到包包彈左果一段開始彈得好差
重覆彈左幾次
然後突然一切都黎得好快。
佢垂下頭,
音樂安靜了。
換來的是一絲絲既飲泣聲

(續)

【五.二】

【五.二】

望住佢既時候
我個心好痛.
因為我知道
佢咁辛苦都係我一手造成.

我打開我帶左黎既盒
拎左我前日先買既木結
掛起吉他帶放上手,
開始搵番我依兩日學既英文歌既CHROUS既CHORD開始彈.

.....G.....D....
...Bm.....A
.....G.....D...
..
..
G.....D.....A

包包聽到呢首歌
慢慢抬起頭
係果一刻
我同包包係同一棵榕樹重新望到對方.
大家停左幾秒
但好似停左好耐
果一刻
成個世界好似停左
唯一我感受到跳動
係我既嘍嘍心跳

當包包定左神之後
第一個反應就係走.
佢果時連袋都無拎
只有不停走, 希望逃避到我既眼神
逃避到自己既情感.

我見佢咁我即刻扔低個吉他,

向住包包方向追去.
我一邊跑既時候
完全無理得咁多
我只想再一次可以見佢,
攬住佢, 好好同佢講我有幾咁掛住妳,
再說一次我愛你.

或者因為佢著左高踭鞋
所以就算走起上黎都比較慢.
我好快就追到佢.
我衝過去攬住佢.
再擁抱佢既溫暖我呢世都記得.
但佢FING 開左我.
然後喊住打我心口
我企定定俾佢打.
因為無人係隔離
更重要係我俾佢打完起碼我會放鬆一D
算係一種贖罪

包包: 你仲番黎仲咩野.!我都唔鍾意你啦
(仲係咁打我心口)

我: 對唔住你聽我解釋先啦
(我捉番佢對手)

包包:放開我. 我同你無咩好傾已經,

我:依幾排我無一日唔係後悔自己做過既事, 我知道係我唔o岩, 之前講左一D
HURT你既說話, 我唔係..

包包:你唔係咩呀.?唔好同我講你唔係有心, 環掂呢家都捌捌左啦, 你唔配我既付出

我: 咁你點解要為我填呢首歌., 點解你要每次番屋企都要黎番呢度,?一齊左咁耐,
你可以放得低.?曾經一齊拍拖, 一齊捱過, 一齊拖手夜晚望住天空傾心,
一齊講過既承諾, 你放得低.?

包包: 我, 我先唔會為你做咁多野,

我: 我唔理你係咪真係為我做咁多, 我只係知道你仲鍾意我, 我亦放唔低你,

你俾一次機會我做番好得唔得?
(我攞番住佢, 佢無再FING開我)

包包: 我D性格仲會係咁, 仲會係公主, 仲會係歇斯底里, 好難相處既人.....

我: 無論點, 只要同你係一齊, 我肯就你., 我肯為你而做一切既野,

包包.:我..唔知.

我: 我只知咁耐好少同你講過既野, 呢家好想同你講.

我: 我愛妳

包包:

(續)

【五.三】

【五.三】

我: 我只知咁耐好少同你講過既野, 呢家好想同你講.

我: 我愛妳

包包: 我...
(突然間有一D光向住我地過黎)

?: 喂你地搞咩係度
(由於太光望唔到佢個樣, 我同包包都遮一遮D光, 原來係個之前果個管理員)

管理員: 又係你呀(佢指住我), 喂你個朋友 wo, 你真人好樣多D wo, 不過好似矮左d..
(口不擇言就係呢D人)

我: 得ga 啦, 無事呢度

管理員: 頭先有人投訴呢個位好大音量, 成三點啦, 番屋企先做啦!
(我睇到佢既眼神好怪! 我知佢誤會左應該, 但對住佢地D口水看更解釋都無謂)

我: 得ga 啦, 我地會檢點D

管理員望一望我, 然後就走.
我應付完佢之後, 回頭望番轉頭
包包原來係我去左同管理員傾野既時候
坐番係榕樹下既長椅度/
係呢個大約45度角望過去
唔同燈光反射係佢塊面度.
雖然佢仲有少少baby fat(對比今日)
但我相信我永遠最喜歡既就係呢一張咀臉
雖然我當時企既位置同佢有一段距離
但我相信我個心同佢既距離係最近

我慢慢行去佢果邊
我坐低左向佢右邊
因為果日比較凍

我好自然將件外套疊左係佢身上
之後將佢隻手拖住放係自己衫袋到。
佢隻手好凍
但佢手既皮膚仍舊幼細
因為同包包距離好近,
我仍然嗅到佢噴係身度一隻好甜既水果香水
而佢無正面望住我, 只係一直望住地下

我: 包包, 對唔住之前既事
(我仔細望住包包既面, 好似殘左少少, 或者佢真係辛苦左, 又要開夜)

包包:唔好再講啦風, 算啦之前既事, 或者個天要我等你番黎, 真係等得到.

我: 你個衰婆係咪真係因為我填左d歌.?想霖死我呀?

包包:傻你個頭, 少少咁啦, 呢幾排好多野做. 又要忙PROMOTE又要忙開戲埋尾,
好似後日又有FUNCTION出席.

我:如果辛苦就慢慢黎啦有時

包包: 慢慢?我好難先上到位呢家, 我趁呢家想博盡去
(包包係一個好堅持既人, 如果有d野佢要做, 佢就一定會做到)

我:你真係好西利, 有時我覺得我攀唔起你, 我呢家讀書又唔掂, 唉都唔知點.

包包:其實唔怪得你, 由你中五到依家都同我一齊, 之前又陪我幫我手.....

我:痴線啦, 邊關得你事. 係我自己問題

包包: 如果, 咁講下, 你不如之後照幫我手啦, 我而家又多左野做,
雖然我地關係唔可以公開, 至少我多左機會見到你, 而我又可以俾番少少錢你.

我: 咁我咪算係你背後既男人?
(其實我唔係好鍾意食佢軟飯感覺)

包包:或者你咁睇呀, 之後下年我會有個TRIP, 你做我P.T私底下幫我手助理,
咁我地咪當去下旅行啦.

我: 好啦.

(佢果時可以講好了解我, 真係知我心諗緊咩)

我見佢之後打左個喊路

我睇睇錶, 已經四點啦

我: 不如你上去先啦, 你累了

包包: 唔啦, 我今日唔想番去字. 聽日出完活動同你去

我: 好啦, 你挨係我膊頭訓下, 就天光我叫醒你

包包: 嗯... 係呀, 聽日呢出完活動同你去一到地方

我: 咩地方?

.

.

.

原來佢已經坐係度挨住我膊頭訓

當晚, 我一邊攬住佢掃住佢頭髮

一邊聽住mp3 佢既歌

感覺又已經不同了

(續)

【五.四】

【五.四】

天開始光了,原來我都訓左
膊頭既包包已經唔係度
換轉既人自己既外套
加上手中既一張紙

風,
復合快樂,
8點夜晚係番呢度等.
換件好D既衫
包

番到屋企換個個衫
件衫全部都係包包既氣味,
或者每個女仔除左香水
都會有自己既獨特香味
然後我就好似好耐之前
TEMOO廣告紙巾個傻仔咁
自己再嗅左幾次
感覺佢就好似係我隔離
失而復得既感覺好奇妙

訓左一陣
我就開始準備出門
一件恤衫加一件牛仔褲同小丑褲
(如果我知要去做咩,我會著得好少少)
如是者
我八點鐘去到果度等.
我睇番果度,個琴旁邊加左D圍欄圍住左
我無理太多啦
就只係慢慢坐係度等佢
大約等左幾個字包包之後就黎左
不過第一眼我係認唔到佢
又帶超又帶口罩

包包: 風, 你著得好似...

我:你唔係叫我著好d咩?
(我已經知道自己Fail左)

包包:算la, 行ga 啦, 一陣帶你去我屋企啦
(我聽完靜左一陣.....)

包包:去見我既屋企人呀白痴!

我:我著到咁見佢地.?

包包:一早叫你著好D, 你又搞到自己咁, 算啦, 唔好遲到啦, 因為之前既事,
佢地對你Impression 已經唔好咁好

我:咁我仲上去?

包包:你都想同地搞番好關係啦, 一陣佢地可能會串下你,
你都知佢地其實係比較難相處d既, 你為左我忍下好無, 傻佬?
(我聽到佢叫我傻佬呢個稱呼, 突然間有番晒信心.)

我:好啦, 為左你ga 炸

(續)

【六一】

【六一】

曾經, 上去佢屋企係我好想做既事
曾經, 我更為左唔係名正言順見到佢屋企人而令大家分開
但今日, 我完全唔想上去見佢地
我驚我會自卑.
但係我唔可以俾佢地知
更加唔可以俾包包知.

上到去佢屋企門口
包包正想按鐘.
但係我比較驚
所以果時本能地將自己對手插入褲袋
或者包包見到我咁
即刻扯番我隻手出番黎
拖住我按鐘

開門既係一個細粒既女仔,
我見到佢果時霎眼間真係有D似包包
尤其對眼
我打左個招呼就同包包入左屋.
我同佢除左鞋之後
行每一步都好小心
驚會失禮

佢果時間屋唔係好大
但佈置得好有家既感覺
佢地已經放左棵聖誕樹係窗台
而且的的式式既唔同擺設, 好多好有
(反而呢家既屋大左, 但多左份冷清感覺)
佢偏廳中間有張算大既圓木桌
正廳特別既就係放左一D包包既相, 獎咁
佢地都放左係一個直立式既玻璃櫃到
其餘都無咩特別同普通屋企差唔多
三房兩廳咁

坐左係客廳梳發到既係一個上左年紀既男人
我望一望佢叫左一聲uncle

包包叫左佢呀爸
佢望一望我同包包
之後繼續坐係度睇佢既cctvb

之後包包帶左我去佢間房
佢間房大約有百幾尺到
一張4尺碌架床,
一個書台係張床下面
隔離既一個普通YAMAMA琴, CD架
同D SET死左既櫃

包包開著電腦
開始將佢個MP4機插去喇叭度播歌.
我一邊聽歌, 一邊睇下佢間房既細節.
我開始發覺佢同我都一樣
唔多執野
佢成個書台都係電線同琴譜
又充電線又電腦,
更有D唔知咩都無插既線,
問佢要黎仲咩
佢又話唔記得, 哈哈咁
叫佢扔左去又話有用
除左咁之外成幅`牆好多POSTER
我只係記得有BEATLES ,KISS

睇睇下慢慢聽佢播緊既歌.
係一個男人唱既國語歌
但D聲有D雜
應該係唱live中
但個男星把聲好特別
或者我少聽國語歌.
所以我就開始問

我:包包, 邊個唱緊.?

包包:你真係脫節ga wo, 佢叫符號減, 佢上年先係個比賽拎左冠軍, 今年又出專輯,
好紅LO呢家係直島

我: 符號減?有無叫符號加呀?聽個名都知唔多掂

包包:唔俾話佢, 佢算係我呢家好欣賞既人黎GA

我: 車好叻咩, 我同緊妳拍緊拖Tim la, 況且我緊係脫節啦, 我成世人只係聽你唱俾我, 為我作既歌之ma

包包: 傻瓜, 你呀只係識...

"kock, kock, kock"

"包包出黎食飯"

一把女人聲隔住包包房門穿過黎,

不但阻住左佢要同我講既野

更重要係

我知我就快要受審了.

.
. .
. .
. .
. .

.(續)

【六.二】

【六.二】

我同包包聽到把女人聲之後
大家都深呼吸一大啖.
之後佢幫我開門.

一打開門個情景係
一個大約都幾有住家感覺既女人,
一個頭先坐係梳及上睇電視既包包呀爸
同一個細路女
佢地圍住左張食飯枱坐,
剩餘既係兩個坐位俾我地

一坐落左幾秒,
無人出聲,又無人敢郁,只係全部低頭
我果時都唔知佢地做咩
不過後來聽番原來係佢地其中既宗教儀式
但我果時全程都係ON99咁坐係度,

隔左好快佢地郁得番啦,
咁包包爸爸就啗大家食飯啦
我一聽把聲就覺得好熟.
但係又唔記得係邊度聽過
始於近排發生左太多事,
個腦或者太敏感啦

包包就開始講野啦,
幫我逐一介紹佢地係邊個呀
叫咩名咁
我就同晒佢地每一個打多次招呼啦
好既就得佢呀媽會打下招呼
其他人全部已經開左飯
之後當然就介紹我出現
只係佢對我既稱呼都係朋友
或者佢唔好意思講掛

當我拎起對筷子時候
我只係諗住一樣野,
唔好問我咁搵多問題得唔得呀
但不幸既事通常一諗就會發生
當我爬第一啖飯既時候
未爬到落肚
佢呀爸已經開口問我

爸: 你叫咩名呀?
(屌包包咪介紹左LO)

我: 我叫呀風, 呢家番緊預科

爸: 我都無問你呢樣, 番邊問呀

我: XXX, 係 XXX XX 中學
(我開始愈聽佢把聲愈覺得好熟)

爸: 邊到黎? 唉算, 聽都未行聽過, 其實呢你呢家好忙wo應該, 仲咁得閒同我個女一齊.

我: 有時自己會分配到時間既

爸: 分配到? 你係學校考到一舊舊咁都叫分配到?
(我已經疾左一疾, 點解佢知我成績既.? 我望一望包包, 但只係見到包包掘住佢個妹)

我: 我會努力ga 啦, 可能深左d野, 就study leave我會衝下佢

爸: 你讀完都唔知你做咩, 讀又讀唔好, 又要講愛情,
你其實有無d自知之明? 你做到d咩可以攀到佢? A先生之前都話有個學位揸係手,
係就係佢間U差d, 起碼都會有下工做下之後, 而且佢又識音樂,
起碼都溝通到呀同包包.
(我已經唔知點出聲, 只係見佢其他人仲係咁自己食飯)

包包開如幫一幫: 佢都識音樂ga, 之前佢彈吉他ga.

爸: 識又點, 就當佢識, 你真係諗清楚? 如果俾出面d記者發現佢, 仲要係咁既款,
你覺得無問題?

我: 我會努力改善

包包:佢都話會改善啦, 不如食左飯先啦.凍ga 啦爸爸

(續)

【六.三】

【六.三】

當包包講完之後大家都無再出聲
然後既就係安靜既食飯。
安靜到連冷氣聲都聽到
或者係因為自己既心情好差
總係果一餐好難食
但我無怨
因為我自己的確很差
包包雖然果時唔係真係咁好樣
性格又唔係好好,
但我認識到佢已經好好運
所以我如果繼續要同佢一齊
我情願說服自己屈服

食完飯之後
佢呀爸爸叫左包包同佢呀媽入左去廚房
佢細妹就入番房
而我就坐係梳發度
望住d c9戲
我忽然睇到唔想走
唔係d戲好睇
我係希望睇住d戲可以分散到自己注意力
唔想面對番現實,
唔想面對佢地.

大約20分鐘到
佢地由廚房出番黎
佢呀爸之後叫左我入去
我心諗又有咩野要講我。
頭先仲未講夠我?

入到去佢地個廚房
佢爸爸挨住昇盆
企左係度開始同我講野

爸: 我唔理你對佢係真心定假意, 我亦知道你個廢青唔會做到d咩事,

但你知唔知佢真係好投入, 或者佢無同過你講,
好似你之前唔係佢身邊既時候你令到佢日日番到黎都發晒脾氣, 或者佢可能忙,
但係我知道唔多唔少因為你

我: 我對佢係真心, 我會改...

爸:我理得你係咪真心, 改唔改, 佢呢家仲係好投入.
仲之你係對佢好既醒目既就好離開佢, 我幫你作個故仔同佢講

我: 我唔會欺騙佢, 我何必要欺騙佢?
我唔需要你幫我作咩野故, 我同佢既事我處理到, 我係真心想同佢一齊

爸:你仲咁細講呢d講條春咩, 仲之我唔尻理你, 如果見到你同佢上左二周刊, 面子呀,
生果果d,你不但會累左佢, 我同你講我一定會令你好麻煩

我無再答到佢, 我轉頭就走開左.
我都唔知自己既果份勇氣係邊度黎
或者我果時真係喜歡包包

走番出去廳
果時都10點到,
我同包包講想早d走
雖然之後佢媽媽都有叫我留耐d
但我同左佢媽媽名佢細妹講左捌捌就走

我同帶番幅超既包包落番樓下
同佢去番個公園仔坐低傾下計
雖然我係拖住佢.
但感覺好沉重

包包:頭先爸爸同你講左咩, 你地好似講得唔係幾好,

我: 無, 你爸爸同我講叫我好d對你, 唔係唔放過我姐.
(我唔想好似特登離間佢地)

包包:其實佢地可能比較惡d咁, 但佢地都唔係太差既, 係呢, 你study leave ,
考完AL差唔多到陪我去個trip啦, 我同左公司講要呢個時間, 特登就你ga

我: 好啦, 之前都應承過你既, 不過我又唔知係做咩角色姐.

包包:咪我PT assistant lo. 只係我地有d秘密關係之嘛, 傻瓜
我:好啦好啦, 你番番上去先啦, 難得有得抖下

包包: 早抖

我:早抖

大家之後互相擁吻左一下
雖然我擁有了佢.
但我既責任, 膊頭覺得好重好重.

(續)